

自居甚爲名流所重子丕有父風位尚書祠部郎中丕弟克通直散騎常侍獎弟諧

諧字虔和幼有風采趙郡李搔嘗過元義門下見之歸謂其父元忠曰領軍門下見一神人元忠曰必李諧也問之果然襲父先爵彭城侯文辯爲時所稱歷位中書侍郎天平末魏欲與梁和好朝議將以崔俊爲使主倭曰文采與識倭不推李諧口頰顧顧諧乃大勝於是以諧兼常侍盧元明兼吏部郎李業興兼通直常侍聘焉梁武使朱异覘客异言諧元明之美諧等見及

李平 李批語

出梁武目送之謂左右曰朕今日遇勍敵卿輩嘗言北間都無人物此等何處來謂异曰過卿所談是時鄴下言風流者以諧及隴西李神雋范陽盧元明北海王元景弘農楊遵彥清河崔贍爲首初通梁國妙簡行人神雋位已高故諧等五人繼踵而遵彥遇疾道還竟不行既南北通好務以俊乂相矜街命接客必盡一時之選無才地者不得與焉梁使每入鄴下爲之傾動貴勝子弟盛飾聚觀禮贈優渥館門成市宴日齊文襄使左右覘之賓司一言制勝文襄爲之